



Bosnia and Herzegovina
Federation of Bosnia and Herzegovina
CANTON SARAJEVO
Ministry of Veteran's Affairs

Broj: 06-11-43136-15/24
Sarajevo, 20.11.2024. godine

Na osnovu čl. 64. stav 1. tačka (b), 70., 100. stav (4) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), te preporuke Komisije broj: 06-11-43136-12/24 od 20.11.2024. godine za javnu nabavku: Nabavka, transport i isporuka građevinskog materijala za pripadnike boračke populacije Kantona Sarajevo iz Zapisnika o ponovnom pregledu i ocjeni ponuda broj: 06-11-43136-11/24 od 20.11.2024. godine, ministar za boračka pitanja Kantona Sarajevo donosi:

ODLUKU

**o izboru najpovoljnijeg ponuđača za javnu nabavku:
Nabavka, transport i isporuka građevinskog materijala za pripadnike boračke populacije
Kantona Sarajevo za 2024. godinu
JRJN: 44100000-1 (Građevinski materijali i pridruženi artikli)**

Član 1.

Prihvata se preporuka Komisije za javnu nabavku: Nabavka, transport i isporuka građevinskog materijala za pripadnike boračke populacije Kantona Sarajevo za 2024. godinu broj: 06-11-43136-12/24 od 20.11.2024. godine o izboru najpovoljnijeg ponuđača „PENNYPLUS“ d.o.o. Sarajevo, ponuda broj: 06-11-49672/24 od 04.11.2024. godine, za ponuđenu cijenu 2.006.634,69 KM bez PDV-a, odnosno 2.347.762,59 KM sa PDV-om.

Član 2.

Prijedlog Okvirnog sporazuma o nabavci dostavit će se na potpis izabranom ponuđaču „Pennyplus“ d.o.o. Sarajevo po protoku roka od 15 dana, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Stavlja se van snage Odluka o izboru najpovoljnijeg ponuđača broj: 06-11-43136-8/24 od 12.11.2024. godine

Član 4.

Ova Odluka objavit će se na web-stranici Ministarstva za boračka pitanja Kantona Sarajevo www.mbp.ks.gov.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.



Član 5.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama BiH.

O b r a z l o ž e n j e

Postupak javne nabavke: Nabavka, transport i isporuka građevinskog materijala za pripadnike boračke populacije Kantona Sarajevo za 2024. godinu pokrenut je Odlukom o pokretanju postupka broj: 06-11-43136/24 od 19.09.2024. godine putem otvorenog postupka uz primjenu E-Aukcije u skladu sa Pravilnikom o uslovima i načinu korištenja E-Aukcije („Službeni glasnik BiH“, broj 80/23). Procijenjena vrijednost javne nabavke je 2.050.000,00 KM.

Krajnji rok za dostavljanje ponuda iz tenderske dokumentacije objavljene na Portalu javnih nabavki zajedno sa Obavještenem broj: 920-1-1-9-3-15/24 od 20.09.2024. godine je bio 05.11.2024. godine do 10.00 sati, dok je javno otvaranje ponuda zakazano isti dan u 11.00 sati.

Komisija za javnu nabavku: Nabavka, transport i isporuka građevinskog materijala za pripadnike boračke populacije Kantona Sarajevo za 2024. godinu imenovana Rješenjem ministra broj: 06-45-44218/24 je dana 05.11.2024. godine u 11.00 sati izvršila javno otvaranje ponuda.

Na javnom otvaranju ponuda nije bilo prisutnih predstavnika ponuđača a što je evidentirano u Zapisniku o otvaranju ponuda broj: 06-11-43136-3/24 od 05.11.2024. godine i isti je svim ponuđačima dostavljen u zakonskom roku.

Prilikom otvaranja ponuda utvrđeno je da su blagovremene ponude dostavila ukupno tri ponuđača sa ponuđenim cijenama kako slijedi:

Redni broj	Ponuđač	Vrijednost ponude (bez PDV-a)	Vrijednost ponude sa popustom bez PDV-a	Popust	Vrijednost ponude sa popustom sa PDV-om
1.	Senigor d.o.o. Sarajevo 4200909100007	2.048.385,12 KM	2.396.610,59 KM	0%	2.396.610,59 KM
2.	Pennyplus d.o.o. Sarajevo 4200162210002	2.006.634,685 KM	2.347.762,575 KM	0%	2.347.762,575 KM
3.	Almy d.o.o. Zenica 4218149030000	2.048.475,72 KM	2.396.716,59 KM	0%	2.396.716,59 KM

Nakon javnog otvaranja ponuda, Komisija za predmetnu javnu nabavku je na zatvorenoj sjednici pristupila pregledanju i ocjeni pristiglih ponuda.

Tokom evaluacije ponuda Komisija uvijek vrši i računsku provjeru prema jedničnim cijenama (koje se smatraju nepromjenjivim) i predviđenim količinama navedenim u Obrascu za cijenu ponude-robe (Aneks 1), te ukoliko utvrdi grešku u ukupnoj vrijednosti o istoj obavještava ponuđača koji je dužan prihvatiti ispravljeni iznos, a u suprotnom ponuda se odbacuje, a što je u skladu sa predmetnom tenderskom dokumentacijom (tačka 8.16) i članom 68. stav (4) tačka g) Zakona o javnim nabavkama.



Evaluacijom blagovremeno pristiglih ponuda ponuđača, kod svih ponuđača je uočena računska greška prilikom popunjavanja obrasca za cijenu ponude, te je od svih ponuđača zatražena saglasnost za ispravku računске greške odnosno korekciju ponuđene cijene, dana 05.11.2024. godine kako slijedi:

1. Senigor d.o.o. Sarajevo – ponuda broj: 06-11- 49643/24 od 04.11.2024. godine

Nakon provjere računске ispravnosti, a na osnovu upisanih jediničnih cijena (kolona 4. – „Cijena po jedinici mjere bez PDV-a) koje su sve upisane na dvije decimale i okvirnih količina, uz zaokruživanje ukupnih cijena na dvije decimale, utvrđena je ukupna cijena bez PDV-od od 2.048.385,13 KM. Izračunati PDV zaokružen na dvije decimale iznosi 348.225,47 KM, tako da ukupna cijena sa PDV-om zaokružena na dvije decimale iznosi 2.396.610,60 KM.

Shodno navedenom utvrđena ukupna vrijednost vaše ponude iznosi: 2.048.385,13 KM bez PDV-a, odnosno 2.396.610,60 KM sa PDV-om, a ne kako je u ponudi navedeno: 2.048.385,12 KM bez PDV-a, odnosno 2.396.610,59 KM sa PDV-om.

2. Penny Plus d.o.o. Sarajevo – ponuda broj: 06-11-49672/24 od 04.11.2024. godine

Nakon provjere računске ispravnosti, a na osnovu upisanih jediničnih cijena (kolona 4. – „Cijena po jedinici mjere bez PDV-a) koje su gotovo sve upisane na dvije decimale (ali ima i jedna upisana na 4 decimale) i okvirnih količina, uz zaokruživanje ukupnih cijena na dvije decimale (u ponudi je nešto zaokruživano na 2 a nešto na 3 decimale), utvrđena je ukupna cijena bez PDV-od od 2.006.634,69 KM. Izračunati PDV zaokružen na dvije decimale iznosi 341.127,90 KM, tako da ukupna cijena sa PDV-om, zaokružena na dvije decimale iznosi 2.347.762,59 KM.

Shodno navedenom utvrđena ukupna vrijednost vaše ponude iznosi: 2.006.634,69 KM bez PDV-a, odnosno 2.347.762,59 KM sa PDV-om, a ne kako je u ponudi navedeno: 2.006.634,685 KM bez PDV-a, odnosno 2.347.762,575 KM).

3. Almy d.o.o. Zenica – ponuda broj: 06-11-49738/24 od 05.11.2024. godine

Nakon provjere računске ispravnosti, a na osnovu upisanih jediničnih cijena (kolona 4. – „Cijena po jedinici mjere bez PDV-a) koje su sve upisane na dvije decimale i okvirnih količina, uz zaokruživanje ukupnih cijena na dvije decimale, utvrđena je ukupna cijena bez PDV-od od 2.061.052,70 KM. Izračunati PDV zaokružen na dvije decimale iznosi 350.378,96 KM, tako da ukupna cijena sa PDV-om, zaokružena na dvije decimale iznosi 2.411.431,66 KM.

Razlika se pokazuje na poziciji IV artikal 14 (traženo 1.397,50 m) gdje je u ponudi upisana jedinična cijena od 9,04 KM i ukupna cijena od 56,41 KM umjesto 12.633,40 KM.

Shodno navedenom utvrđena ukupna vrijednost vaše ponude iznosi: 2.061.052,70 bez PDV-a, odnosno 2.411.431,66 KM sa PDV-om, a ne kako je u ponudi navedeno: 2.048.475,72 KM bez PDV-a, odnosno 2.396.716,59 KM).

Po osnovu tražene saglasnosti svi ponuđači koji su dostavili blagovremene ponude su u ostavljenom roku dostavili saglasnost i postupak je nastavljen na način da je Komisija za predmetnu javnu nabavku utvrdila da su ponude ponuđača Senigor d.o.o. Sarajevo i Pennyplus d.o.o. Sarajevo potpune i ispunjavaju sve uslove postavljene u tenderskoj dokumentaciji.

Ponuda ponuđača Almy d.o.o. Zenica je od strane Komisije ocijenjena kao neprihvatljiva iz razloga što ponuđena cijena bez PDV-a (koja je po instrukciji korigovana i ispravljena od strane ponuđača) koja iznosi 2.061.052,70 KM veća od procijenjene vrijednosti javne nabavke (2.050.000,00 KM).



Nakon okončane detaljne analize blagovremeno pristiglih ponuda zakazana je E-Aukcija za dan 11.11.2024. godine u 13.00 sati u trajanju od 20 minuta na kojoj su pravo učešća imali ponuđači koji su dostavili blagovremene i potpune ponude:

- Pennyplus d.o.o. Sarajevo – 2.006.634,69 KM bez PDV-a
- Senigor d.o.o. Sarajevo – 2.048.385,13 KM bez PDV-a

Nakon okončane E-Aukcije, dana 11.11.2024. godine dostavljen je Izvještaj Agencije za javne nabavke BiH sa rang listom ponuđača koji su učestvovali na E-Aukciji kako slijedi:

Redni broj	Ponuđač	Korigovana vrijednost ponude (bez PDV-a) prije E-Aukcije	Vrijednost ponude nakon E-Aukcije	Umanjenje cijene %	Napomena
1.	Senigor d.o.o. Sarajevo 4200909100007	2.006.634,69 KM	1.750.000,00 KM	14,57%	Prvorangirani ponuđač
2.	Pennyplus d.o.o. Sarajevo 4200162210002	2.048.385,13 KM	1.755.000,00 KM	12,54%	Drugorangirani ponuđač
3.	Almy d.o.o. Zenica 4218149030000	2.061.052,70 KM	-	-	Neprihvatljiva ponuda

U skladu sa konačnim ponuđenim cijenama ponuđača nakon okončane E-Aukcije, Komisija je zauzela stav o prihvatanju ponuđene najniže cijene prvorangiranog ponuđača Senigor d.o.o. Sarajevo u iznosu od 1.750.000,00 KM bez PDV-a, odnosno 2.047.500,00 KM sa PDV-om.

Ministar je na preporuku Komisije za javnu nabavku broj: 06-11-43136-6/24 od 12.11.2024. godine donio Odluku broj: 06-11-43136-8/24 od 12.11.2024. godine o izboru ponuđača Senigor d.o.o. Sarajevo i ista je dana 14.11.2024. godine proslijeđena svim učesnicima u postupku putem mail-a, putem fax-a i putem pisarnice Kantona Sarajevo.

Dana 14.11.2024. godine je putem mail-a zatražen uvid u ponude od strane drugorangiranog ponuđača Pennyplus d.o.o. Sarajevo dopisom broj: 1411-1/24 od 14.11.2024. godine, te je isti dozvoljen, zakazan i održan dana 15.11.2024. godine u 10.00 sati o čemu je sačinjen zapisnik.

Dana 15.11.2024. godine drugorangirani ponuđač Pennyplus d.o.o. Sarajevo je putem mail-a uložio žalbu na Odluku o izboru najpovoljnijeg ponuđača Senigor d.o.o. Sarajevo

Nadalje je utvrđeno da je putem pisarne dana 20.11.2024. godine dostavljena originalna žalba u 3 (tri) primjerka zajedno sa originalnim primjerkom uplatnice o plaćenju naknade za pokretanje žalbenog postupka kod BBI banke na iznos 11.250,00 KM, dana 19.11.2024. godine.

Razmatrajući predmetnu Žalbu Komisija za javnu nabavku konstatuje da je ista blagovremena, dopuštena, uredna, izjavljena od strane ovlaštenog lica i lica koje ima aktivnu legitimaciju.

Nadalje je konstatovano da se prihvata dokaz o uplati naknade.

Žalbeni navod žalitelja odnosi se na propust izabranog ponuđača Senigor d.o.o., Sarajevo pri ovjeri dokumenta iz ponude koji se odnosi na Izjavu o ukupnom prometu, odnosno da je navedeni dokument



ovjeren samo od strane ovlaštenog lica ponuđača, ali ne i od strane nadležnog organa, a kako je traženo tačkom 3.2.1 (a) tenderske dokumentacije.

Analizirajući žalbeni navod, Komisija je utvrdila da je isti osnovan, odnosno da ponuđač Senigor d.o.o. Sarajevo nije ovjerio navedeni dokument kako je traženo, a što nije bilo uočeno.

Obzirom na navedeno, Komisija je zauzela stav da se žalbeni navod prihvati, da se ponuda ponuđača Senigor d.o.o. Sarajevo odbaci kao nepravilna, te da se Odluka broj 06-11-43136-8/24 od 12.11.2024. godine stavi van snage.

Komisija je takođe zauzela stav da je jedini ponuđač koji dostavio potpunu i prihvatljivu ponudu ponuđač Pennyplus d.o.o. Sarajevo.

Kako je nakon razmotrenih i prihvaćenih žalbenih navoda ponuđača Pennyplus d.o.o. Sarajevo utvrđeno da je jedini ponuđač koji dostavio potpunu i prihvatljivu ponudu ponuđač Pennyplus d.o.o. Sarajevo, te da se E-Aukcija ne može ponovo provoditi sa samo jednim ponuđačem, odlučeno je da se predloži ministru kao predstavniku ugovornog organa prihvatanje žalbe ponuđača Pennyplus d.o.o. Sarajevo i ponude sa ponuđenom korigovanom cijenom prije zakazivanja E-Aukcije u iznosu od 2.006.634,69 KM bez PDV-a, odnosno 2.347.762,59 KM sa PDV-om. Obzirom na navedeno donosi se Odluka o izboru najpovoljnijeg ponuđača Pennyplus d.o.o. Sarajevo.

Prema zapisniku o ponovnoj ocjeni ponuda, preporuci i izvještaju dostavljenim od strane Komisije za javnu nabavku u postupku javne nabavke: Nabavka, transport i isporuka građevinskog materijala za pripadnike boračke populacije Kantona Sarajevo za 2024. godinu, sačinjenim nakon razmatranja žalbenih navoda ponuđača Pennyplus d.o.o. Sarajevo, ocijenjeno je da je žalba Pennyplus d.o.o. Sarajevo osnovana i usvojena u cjelosti, te da je ponovnom analizom izbor ponuđača „Pennyplus“ d.o.o. Sarajevo sa ponuđenom korigovanom cijenom u iznosu od 2.006.634,69 KM bez PDV-a, odnosno 2.347.762,59 KM sa PDV-om izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom.

Iz navedenih razloga odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi u najmanje 3 (tri) primjerka.



MINISTAR

Dr.sc Omer Osmānović

Dostaviti:

- Ponuđačima x3;
- URŽ BiH,
Ul. Dubrovačka br. 6
71000 Sarajevo;
- Evidenciji;
- a/a.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-012, Fax: + 387 (0) 33 562-251

Web: <http://mbp.ks.gov.ba>, E-mail: mbp@mbp.ks.gov.ba

5/5

.

